

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126164](#)

mina imponuntur, quibus per omnem vitam federis commonesint, quod cum Deo inierunt, quod alias stipulatio bona conscientiae dicitur, i. Pet. 3, 21.

Hic probent se Christiani parentes, utrum infantibus suis Christiana nomina imposuerint, vel nominibus Patriarcharum & Apostolorum abusi, iisdem canes & feles vel aliquid generis bruta denominaverint?

Nomen dicitur quasi novimen, ut per illud natura hominis & indoles innoteſcat.

Id patet in Abrahamo, cuius nomen Deus immanut, ut non amplius Abram, quod interpretatur, pater excelsus: sed Abraham, h.e. pater populorum vocari debat, Gen. 17. v. 5. Ad eundem modum dixit Deus ad Jacobum: Nequaquam Jacob deinceps appellabitur nomen tuum, sed Israel: quia luctatus es cum Deo, & cum hominibus, & prævaluisti, Gen. 32. v. 26.

Quandoquaq; igitur nomina Sanctorum bestiis, utpote canibus, felibus aliisque applicantur, hoc ipsum non modo in contumeliam Sanctorum: sed Dei ipsius vergit, eius gratia & misericordia est in sanctis eius, & in pfectio in electis ejus, Sap. 3. 9.

Imprimis vero Christiani parentes id operam dare debent, ut in infantibus suis, tanquam à Christianis prognatis, & Christo insertis, nomina quoque Christiana imponant, quorum occasione salutariter admoneri, & bonis moribus instrui possint.

Qui nomen Iohannis obtinet, hoc ipso gratia recordari debet, qua se Deus in baptismo gratiosum reddidit, Tit. 3, 5.

Qui Petrus vocatur, hinc discere debet, quod in fide bene fundatus, & ut petra immobilis persistere debeat, ne circumferatur omni vento doctrinæ, Eph. 4. v. 14.

Et ut de femineo quoq; sexu dicamus:

Quæ Maria nomine insignita est, ut vestigis B. Mariae insistat, ejusque pietatem, castitatem modestiam, aliasque virtutes imitetur, corare debet.

Cui Carbarinæ nomen est, ut opere ipso id ostendat, & ab omni inquinamento carnis & spiritus munda sit, 2. Cor. 7, 1.

Hæc & similia nomina salutares admonitiones suppeditant, & à Deo digna reputantur, quæ in librum vitæ inscribantur: & quando illi, qui iisdem ornati sunt, vita sua illis respondent, Deus alii novis nominibus eos appellabit, quæ nemo sciet, nisi qui accepit, Apoc. 1. v. 17. Ut non amplius Benoni, filii dolorum, sed Benjamin, filii dextræ vocari debant, & hæreditario accipere, paratum sibi regnum à constitutione mundi, Matth. 25, 34.

De Secundo.

*P*ergemus nunc ad alteram partem, 2. 81527, ratiōnē, sive notitiam Christi, meditaturi. Hic nobis contemplandus ponitur:

1. *Tanquam legis consummator.* Propterea enim ille circumcisus est, ut hinc colligere debeamus, cum in finem se venisse in mundum, ut totam legem implere velit. Qui enim circuicidit, debitor est universæ legis faciendæ, Gal. 5, 3. Atqui Christus circumcidit voluit, non necessitate adactus: sed ultratione nostri, ideoque hoc ipso obligavit se, nostriloco legem implere, ut ipse ait: Nolite putare, quoniam venerim solvere legem aut Prophetas Non veni solvere, sed adimplere, Matth. 5, 17.

Hoc magno nobis solatio est. Propter peccata omnes maledictione onerabamur, juxta illud, Deut. 27. v. ult. Quis non hic exhorre-

horresceret? Nonne Cain adeo percutitus est, a Deo maledictione oneratus, ut dixerit: Major est iniquitas mea, quam ut remittatur? Gen. 4. v. 13. Idem nobis evenire debuit. Verum Christus interposuit se, & exsolvit, quæ non rapuit, Psalm. 69. v. 5. Jam Pauli illud locum habet: Non sub lege eritis, sed sub gratia, Rom. 6. 14. Rom. 5. v. 18. Die novissimo nos Christus a dextris suis suster, amice compellabit, dicens: Venite Benedicti Patris mei, hereditario accipite, paratum vobis regnum a constitutio-
tione mundi, Matth. 25. v. 34.

Ecce! hoc Christus nobis acquisivit. Si soli nobis relieti fuissimus, æterna maledic-
cio nos obruisset. Non enim erat, qui fa-
ceret boauum; non erat, usque ad unum, Rom. 3. 12. ideoque impossibile nobis erat legem implere: sed potius jugum erat, quod nequenos neque patres nostri portare poteramus, Act. 15. v. 12. Sed quia Christus propter nos legi subiectus, ideo a plenitudine ejus accipere possumus gratiam pro gratia, Joh. 1. 16. Qui enim in eum credit, iustus est, Rom. 10. v. 4.

II. Tanquam futura redemtionis subar-
ractor. Mercator candidus, ait Chrysostomus: quando nundinas accedit, ut ab aliis mercatoribus pretiosas merces coemat, primo illis arrhaindat, postmodum, priusquam ex urbe decedat, totum debitum exsolvit.

Ad eundem modum Christus genus hu-
manum, quod sub potestate tenebrarum
captivum tenebatur, Col. 1. 13. tanquam spi-
ritualis mercator, florensis suis aureo - tan-
guineis redimere voluit, ideo patri suo cœ-
lesti auctoramentum confert, nempe guttas sanguineas, quas in circumcisione pro-
fudit: Alteram pensionem præstít in hor-
to oliveti, ubi sudorem sanguineum emisit,

Luc. 22. 44. Et in prætorio Pilati, ubi flagellatus & spinis coronatus est, Joh. 19. 1. Donec tandem in ligno crucis ultimam pensionem persolvit, & alta voce clamavit, Consummatum est, Joh. 19. 30.

Nos hinc efficaci solatio perfundimur. Cum angelus percutiens in Ægypto omne primogenitum percuteret, ab homine usq; ad pecus, Israëlitæ agnum paschalem ma-
ctare, ejus sanguinem in mundo vasculo excipere, eoque utrumque postem in super-
liminaribus domorum inungere teneban-
tur: hoc ipso angelus percussor deteritus est, ne damnum iis intulerit, Exod. 12. v. 5. & seqq.

Nos etiam Pascha habemus, quod est Christus pro nobis immolatus, I. Cor. 5. 7. quando itaque limen cordis nostri in vera fide sanguine ejus conspergimus, angelum per-
cussorem præterire oportet, juxta illud Da-
miani: Terretur adversarius vester diabolus,
cum videt Christi rubenia. Nemo proinde in peccatis suis desperare, sed ad scaturigenes Christi sanguineas se recipere debet,
cum Bernardo dicens: In cruento lotum,
me commendo tibi totum. Et iterum: Turba-
bor, sed non perturbabor, quia a vulnerum Christi recordabor. Vel, ut Ecclesia canit:

Torquebor a probris meis,
Cor consciente dolebo:
Ait sint arenas quot maris,
Pessum tamen nec ibo;
Mortis recordabor tuæ,
Et vulnerum sanguine,
Securus hinc latebo.

Mein Sünd mich werden kränken sehr/
Mein Gewissen wird mich nagen/
Denn ihr sind viel wie Sand am Meer/
Doch will ich nicht verzagen.

Gedenken wil ich an deinen Tod/
Herr Jesu/deine Wunden roth/
Die werden mich erhalten.

Vere enim dicit B. Hieronymus : *Sanguis Christi est clavis paradisi.* Qui hoc per fidem instructus est, is hic fortiter pugnare, & per mortem in vitam perrumpere potest, sicut Stephanus cœlos apertos vidi, & per Christi majestatem in persecutione sua efficaciter confirmatus est, Actor. 7. vers. 56.

III. *Tanquam anni Coronator*, qui annum coronat benignitate sua, ut David ait, Psal. 65, 12. Ideo nomen Jesu, five dies Circumcisōnis Christi principem locum tenet in Calendario, quia nomen hoc suavissimum in Circumcisōne accipit, Luc. 2, 21. Ita quasi coronam anno imponit :

1. *In Ecclesiasticis*, quod attinet beneficia spiritualia, de quibus toto anno in Ecclesia prædicator. *Primo*, *coponitur sanctissima ejus conceptio*: Deinde *salutifera ejus incarnatione* & *nativitas* sequitur. *Tertio*, *Circumcisio*, cui nostri causæ subjicit. *Quarto*, *Baptismus*, quo Jordancm, & omnes alias aquas sanctificavit, ut nobis mediante verbo inserviant, ad salutarem peccatorum ablutionem, & regenerationem in vitam æternam. *Quinto*, *prona ipsius obedientia*, qua patri obediens fuit usque ad mortem, mortem autem crucis, Phil. 2, 8. *Sexto* *Sepultura ejus*, quæ lectum quasi nostrum foyit, ut sepulchra non amplius sint, *cadaverum stabula*: scilicet viventium dormitoria, in quibus illi qui in Domino moriuntur, placide requiescent à laboribus suis, usque ad diem novissimum, Apoc. 14, v. 11. *Septimo*, *descensus ejus ad inferos*, ubi captivam cepit captivitatem, Psal. 68, 19. & exspolians principatus & potestates, traduxit confidenter palam, tri-

umphans illos in seipso, Col. 2, 15. Octavo, *gloriosa ejus resurrectio*, qua destruxit mortem, illuminavit autem vitam & incorruptionem per Evangelium, 2. Tim. 1, 10. Nonno triumphans ejus ascensio, qua nobis viam stravit, & mansionem paravit in domo Patris sui, ut ubi ipse est, & nos simus, & claritatem videamus, quam ipsi pater dedit, Joh. 17, 24. Decimo, *exaltatio ad dextram Dei Patris in celo*, ubi jam est, & interpellat pro nobis, Rom. 8, v. 34.

Si hæc beneficia servatoris nostri nobis ad annum revocamus, & devote consideramus, utique elegantem coronam habemus, quæ per totum annum se extendit, ut sit verus annus, sicut Græci annum exprimunt, ubi semper unum alterum excipit, & ubi ad finem pervenimus, denuo rursus incipimus, sicut in corona neque principium, neque finis apparet, hinc David: Ut scuto bona voluntatis coronasti nos, Psal. 5, v. ult.

2. *In Politicis*, quod corporalia bona concernit. Sicut enim lunam fecit in tempore: & sol cognovit occasum suum, Psal. 104, v. 19. Sic etiam dona & bona sua per totum annum ex ordine distribuit, iisque implet omnia animal beneplacito, Psal. 143, v. 16. Quod facile ex inductione patet?

Sic igitur corona ex variis floribus contextur: Sic Deus annum, in duodecim mensibus distributum, variis beneficiis, quæ singulis mensibus recentia sunt, exornavit:

Terram coronavit bonis,
Ut frugibus sit fertilis,
Montes rigat cum vallibus,
Gramen parando pecoribus:
Et terra paneum suggesterit,
Vinumque large suppetit,
Quantum cuique sufficit.

Re-

Redundat unda piscibus,
Sic consulit defectibus,
Exclusa ut ova conspicis
Pullis volucrum vesceris:
Sic esculentia sumimus,
Boum suū nq; carnibus,
Ovesq; largitur Deus.

Gott hat die Erde zugericht/
Läßt an Nahrung mangeln nicht/
Verg und Thal die macht er naß/
Daz dem Vieh auch wächst sein Graß:
Auf der Erden Wein und Brod/
Schaffet Gott und gibts uns satt/
Daz der Mensch sein Leben hat.
Das Wasser das rauß geben Fisch/
Die läßt Gott tragen zu Eisch/
Eyer von Vögeln eingelegt/
Werben Junge darauf gehockt:
Müssen der Menschen Speise seyn/
Hirsche/Schafe/Kinder/Schwein/
Schaffet Gott und gibts allein.

Nonne hæc præclara corona est , quæ
Servator noster annum coronat, dum non
modò panem & vinum, & quæ uiterius vi-
tae corporali inserviunt, è terra educit, Psal.
104.v.15. sed benedit quoque nos omni
benedictione spirituali,in cœlestibus, Eph.
1.3. hæc duplicit illa sunt , quæ de manu
Domini suscepimus,Esa.40.v.2.

Hæc postquam ita ad mentem mihi re-
vocavi,nihil melius,salutarius nihil reperi
potui,quod vobis strenæ loco offerrē, quæ
dulcissimum nomen Iesu , quod Servatori
nostro in circumcisione datum est, non ex
parentum arbitrio, sed mandato Dei, quod
jam ante nativitatem per Archangelum
Gabriel, & Josepho & Mariæ indicatum e-
rat, Matth.1.v.21. Luc.1.v.31.

De hoc nomine ait Ambrosius: *Omnia
Iesus nobis est. Quod si igitur omnia est, pro-
strenæ quoque nobis inservire poterit. O-
ptimum namque quod in corde meo ha-
beo, est Nomen Iesu.*

*Nomen Iesu strenæ vestra sit, vos Chri-
stians Magistratus!* Dominus enim , qui
hoc nomen gerit, est Rex Regum, & Do-
minus Dominantium, Apoc.19.v.16. cu-
jusbeneficio omnes Magnates terreni im-
perant, Prov.8.v.15.16. Quodsi igitur vita
vobis acerba redditur, ut cum Mose mor-
tem ideo accersatis, Num.11.v.14. Solatium
capite ex nomine Iesu , hic inter alia voca-
tur consiliarius, Esa.9.v.6. quodsi igitur
testimonia ejus consiliarii vestri erunt, Ps.
119.v.24. salutare vobis consilium non deer-
it,mirabile enim facit consilium,& magni-
ficat sapientiam. Esa.28.v.ult.

*Nomen Iesu strenæ vestra sit vos cives &
subditi.* Dominus enim , qui hoc nomine
appellatur , etiam in Capernaum civis fuit,
ideoq; pro se & Petro didrachmam solvit,
Math.17.v.ult. Ita & vos date, quæ sunt
Cæfaris Cæsari,& quæ sunt Dei Deo,Matt.
22,21. Si tempora difficulta sunt,in blile
desperare, facile ille media, quibus indige-
tis procurare potest, sicut sibi & Petro pro-
spexit, Matth.17.v.ult. Dilectis enim suis
dat in somnis, Psal.127.v. 3.

*Nomen Iesu strenæ vestra sit vos dilectis-
simi Auditores!* Hic enim Dominus habet
clavem David, Apoc.3,7. & aperire potest
seculum,Luc.24,45, & corda aperire, Act.
15,14. ut verbum ejus fructum ferat in pa-
tientia. Luc.8,15. Quodsi igitur in hoc no-
mine templum frequentatis,in hoc nomine
oratis,in hoc cantatis , & conciones auditis,
omnia vobis in salutē cedent , salvabit enim
verbum hoc animas vestras, Jac.1.v.21.

In Feste Circumcisionis Christi.

Nomen Iesu strena vestra sit vos Christiani parentes! Qui enim hoc nomen profiteatur, vocatur pater aeternitatis, Esa. 9.v.6. idè educate liberos vestros, in disciplinâ & admonitione Domini, & vobis quoque pater erit, siquidem ex eo omnis paternitas, Eph. 3.v. 15.

Nomen Iesu strena vestra sit vos filii! Qui enim hoc nomen fert, nostri quoque causa puerulus factus, & parentibus suis subditus fuit, quod si idem feceritis, benedictio Domini sequetur vos, & cresceris sapientia, aetate & gratia apud Deum & homines, Luc. 2.v. 51.52.

Nomen Iesu strena vestra sit vos Mechanici! Qui enim hoc nomen obtinet, filius est fabri, quin & ipse ob operam parenti putativo praestitam faber appellatur, Marc. 6.v.3. quodcunque in vocatione vestra facitis, cum Iesu facite, sic labores manuum vestiarum manducabis, beati estis, & bene vobis erit, Psal. 128.v.2.

Nomen Iesu strena vestra sit vos servi & ancilla! Cui enim hoc nomen est, non venit ministrari, sed ministrare, Matth. 20.v. 28. & servus factus est, Esa. 53.v.11. Este modo fideles super pauca, quæ vobis demandavit, & constituet vos super multa, Matth. 25.v.21. 1.Cor. 7.v.22.

Nomen Iesu strena vestra sit vos inopes & opulent! Scimus enim gratiam Domini nostri Iesu Christi, 1.Cor. 8.v.9. Quodsi itaq; pauperie laboratis, respicite Dominum vestrum, qui non habuit, ubi caput suum reclinaverit, Matth. 8.v.20. Sin divites: riyuli vestri in plateas deriventur, necessitatibus sanctorum communicantes, Rom. 12.v.8. 1.Tim. 6.v.18. Mutuo enim dat Domino, qui miseretur pauperis, Prov. 19.v.17.

Nomen Iesu strena vestra sit, vos agroti &

valentes! Dominus enim, qui hoc nomen usurpat, est dux vita, Act. 3.v.14. & virtus eius in infirmitate perficitur, 2.Cor. 12,9.

Nomen Iesu strena vestra sit, vos tentati! Dominus enim, qui hoc nomine vocatur, tentatus est, sicuti nos in omnibus, excepto peccato, in quo igitur passus est ipse tentatus, potens est eis, qui tentantur, auxiliari, Hebr. 2.v.ult.

Nomen Iesu strena vestra sit vos moribund! Cui enim hoc nomen inditum, mortem quoque sustinuit, eaque mortem fidelium dulcoravit, ut jam non amplius mors sed placidus sompus sit, Joh. 11.v.11. qui in hoc nomine placide obdormit, in paceabit, ut Simeon, Luc. 2.v.29. & requiescit in pace, Esa. 56.v.ult. Beati enim mortui, qui in Domino moriuntur, Apoc. 14.v.13.

Postremò, sicuti hic recens natus, hodie circumcisus Virginis filius, delineatur sicut lapis, in quo sepius oculi sunt, Zach. 3.v.9. Ita divinæ ejus providentia commendabimus, totum Christianum orbem, & in specie civitatem nostram. *Uno oculo respicere velit ecclesiam nostram*, & verbum suum conservare, ut inveniamus illud, factum est enim nobis in gaudium & latitiam cordis nostri, Jer. 15.v.16. *Secundo, curiam nostram*, ut judicium & justitia vigeat, in laudem bonorum, & vindictam malorum, Rom. 13.v. 3. 4. *Tertio, scholam nostram* & tam docentes quam discentes spiritu suo sancto instruere, quod utrinque quod rectum est fiat, & hoc modo cœlum locupletetur, Esa. 51. v.18. *Quarto oculo intueri velit commercia & opificia nostra*, quo illa vicissim incrementa capiant, nosq; re ipsa comperiamus, quod Deus ait: Reddam vobis annos, quos comedit locusta, Joel. 2.v.25. *Quinto oculo respicere dignetur eogenos nostros*, iusque panem

nem quotidianum largiri , ne deficiant in hac misericordiarum valle. Verè enim pauper ubique jacet, Prov.19.v.4. sed Deus non est personarum acceptor , Act. 10.v.25. *Sexto octilo contemplari dignetur civitatem nostram*, eamque alis gratiæ suæ obumbrare, donec veniamus in eam civitatem, ubi abundantia gaudiorum, Psal.16. v.ult. *Septimo oculo intentus esse velit in domesticos fideli*, qui persecutione urgentur, ut si exultatum abire cogantur, solatio suo eos resuscitere, & aliam mansionem ipsis procurare velit, juxta promissionem suam, Joh.14,2.

Hoc ita votum meum est , hæc ardens

precatio ! O pater omnium credentium exaudi me ! O Christe, Servator mundi annue precationi meæ ! O Spiritus sancte, afflictorum consolator ! Verte omnia nostra tristia in gaudia : Da nobis in hoc novo anno, nova corda, quæ te venerentur; novas saures, quæ te audiant; novas linguis, quæ te celebrent; novos oculos, qui te respiciant; novas manus, quæ egenis distribuant, novos pedes, qui in mandatis tuis ambulent: Sic veritatem laudabimus, bonitatem prædicabimus, misericordiam celebrabimus, nunc & in secula,

Amen, Amen.

In die Feso Epiphanias Domini.

Evangelium, Matth. 2. v. 1. -- 12.

EXORDIUM.

Cum Ezechias Rex ad mortem periculose ægrotasset, & Deus ad libitum ejus Solem decem lineis retrosum reverti fecisset, utile hinc certior redderetur, quod reconvalescere, & ad quindecim annos vita ejus prorogari deberet: Rex Babylonis misit legatos suos ad eum, ut interrogarent de portento, quod acciderat super terram, 2.Chron.32.v.31.

Nos omnes, Dilecti! per tristem Protoplastorum lapsum, in eam infirmitatem incideramus, ut à planta pedis usque ad verticem, non esset in nobis integrum quidam, Isa.1.v.6. Verum ex indebita caritate & misericordia, æternus Dei filius, in medio se stitit, & tanquam Sol justitiae, decem lineis retrocessit, dum ærumnosus hominis filius factus est , qui alias ab æterno

magnus Deus, Tit.2.v.13. quem cœli celorum capere non possunt, 1.Reg.8.v.17.

Id Ecclesia hoc tempore prædicat, quando ita canit:

Qui clauditur nullo ambitu,
Matris quiescit in sinu:
Factus puerulus parvulus,
Qui cuncta servat maximus.
Inops salutat orbitam,
Ut largiatur gratiam,
In arce ditet ætheris,
Æquans beatis Angelis.
Hæc cuncta nobis præsttit,
Dilectio quo certa sit:
Lætetur hinc Ecclesia,
Laudes canens in secula.

Dicitur